

D'r Nagglmaier.

Mein Fraa hott mer widder emool e heemlich Freed gemacht. Unser nei deitsch Reich kann seit zwelf Dag uff'n Soldat mehr rechne, wann's widder emool loos geht. Die Bickshaub hott'r gleich mit uff die Welt gebrocht. Mit eem Wort: Ich bin widder emool g'legnetter Familievatter worre. Heul mir! No, wo so viel am Dsch esse, bleibt aah for de neischte junge Nagglmaier was iwerig. Morr for eem fercht ich mich. Ich soll nämlich widder niwer in de Obwald un e Schenkamm suche.

Wer des noch nit mitgemacht, hott die Freide un Leide vumme glückliche Familievatter noch nit bis uff de letschte Droppe ausgedrunke. Wie's eem uff so'ere Schenkammjagd gehn kann, un was ma im Haus hott, wann ma sein Geld ausgewe, bodervun folgend allgemein Grempl vumme Beispielsche. Fange mer vorne an. Also d'r Schtorch bringt en Brinz in's Haus. Was e Blessier! D'r Vatter schlägt Borzbeem in d'r Schtaatschubb. Die Verwandtschaft un Freindschaft kriecht dess freidige Familieereignis sofort perseenlich vum'm ang'sagt. D'r Better drickt'm die Hand, die Baas gratliert'm. Gott seegen eier Sehnche, segt se — jetzt noch e Meed! Des is d'r erschte Akt! — Die erscht Blessier is verbei. D'r Familierooth kummt zamm. Die Schwiggemutter siehet 's Bräsidium. — Des Kind muß e Schenkamm hawe, segt se. Uff alle Fäll, Herr Schwiggerjohn. Ke Widderred! 's Kind is schwächlich! Un die Mutter aach! E Schenkamm bei. Sie werre selwer einsehe, das'es neethig is. — Gewis, sag ich, haw ich g'sagt, gewis! 's kummt mer gar nit druff an. Fraa un Kind g'lund, is die Hauptsach. Auf nach Waldmichelbach! Dort solle die beschte sein! — Rock an, fufzig Gulde in de Sack, un uff d'r Eisebahn hott'r. — Des is d'r zweete Akt. De annere Dag kummt d'r Vatter retur. Awer wie iss'm gange. Er war in Waldmichelbach, war in Berkenau, war in Bonselweher, un was weech ich, wie all die Schenkammesechter im Obwald drive heeße. Endlich nochere zwelfschindige Fustur kretz un quer im Obwald rum, find'r eeni in Schimmelbewoog, die'm nit wol scheint. Sie verlangt so un so viel Lohn!



Sie kriech'n zug'sagt. Sie will gleich so un so viel uff die Hand! Sie kriecht's gleich druff gezählt. D'r Schenkammemaakler aus'm Ort schuppt de Vatter nochemool extra um e Drinkgeld, außer d'r gewöhnliche Provision, weil 's Maadl so gut ausg'falle is! Er kriecht nochemool e Guldeschickel in die Hand gedrückt. Korz, es kummt dem glückliche Vatter in seine tausend Mengsichte, wann'r heem denkt, uff gar nir an, er lost sich nit lump. Un so pack'r dann die zweeschrädrig Obewälbern, wie se geht un schieht, gleich uff, un kummt mit etwas leichtem Herze un Geldbeil in Heidelberg mit'r an. — So schließt d'r dritte Akt. — Schwiggemutterle, segt d'r Vatter, wie'r ins Haus kummt, ich hab eeni! — Gott sei Lob un Dank, segt die Schwiggemutter, jetzt gleich 's Kind angelegt. — Des Ding geht acht Dag so ziemlich. 's Kind nimmt zu. Da — amme scheene Morge entdeckt die lieb Mutter, das die Schenkamm Schluzerlump im Sack hott. Sie hott ke Millich mehr. Sie hott Haamweh noch ihrm Schaz. Sie grammt sich zu dod, segt se. — Do wachst natierlich ke Millich. — Do is Ihr Geld for die Zeit, segt d'r Vatter, nir wie naus. Geh Se haam in drei Deiflsnaame! — E Schtund druff sikt'r uff d'r Eisebahn. Wo geht die Reis hin? In de Doodewald for Angsicht. De annere Dag kummt'r retur un bringt die zweet Schenkamm in's Haus. — Ihr dhät taan Millich ausgehn, segt se. Am dritte Dag awer kriecht's Kind, schtatt Millich, wann's kriecht, heemlich de nasse Handtuchzippl in's Maul g'schickt. Die Schwiggemutter entdeckt's. Draus is se. Wohin? Sie schmiert wo annerscht die Leit an! — D'r Herr Vatter muß zum drittemool in de Obwald. Er braucht gar ke Landkart mehr mitzunemme, er kennt schun jeden Bierebaam drive. — Er bringt die dritt! Un die hott werlich Millich! 's Kind nimmt widder zu. Amme scheene Morge awer is die Schenkamm heemlich perre! Wohin? Sie hott vielleicht wo annerscht en Gulde mehr gebotte kriecht. Sie lost's Kind ligge, wie's liggt. Die Gäschtin hott ke Gewisse im Leib. So geht's d'r ehliche Glückseligkeit noch mitere vierie, finste un sechste Schenkamm. Die een gib't'm Kind schtatt Millich, heemlich Thee zu drinke, die anner schtoppt'm e saueri Brodkruscht in's Meilche un die sechst vum halb Duzend hott ihr „Säsil“ im Sack, mit dem se sich hilft. Un so werd eeni un die anner widder aus'm Haus gebattert un 's Kind zehrt zum Schkelett ab! Die Fraa Mutter greint, die Schwiggemutter schennt, d'r Vatter flucht! So geht d'r vierie Akt aus. — D'r finste Akt schbielt gewöhnlich uff'm Kirchhof.

Wer also e Schenkamm braucht, mach sich unner Umschtände uff e Trauerischbiel in fuf Uffzieg g'fapt! Un die Moral vum d'r Geschicht? Wann ich e Verordnung zu mache hätt, mißt sich e jedi Schenkamm, die hier in Dienischt breete will, erscht ganz genau auswelse kenne, wo her se kummt, un entwedder e gut Zeignis vum ihrer Heimathsbeherde odder vum ihrer letschte Herrschaft hawe! Uff die Art dhät dem draurige Schenkammeschwindl e Ziel g'fest werre. Sanitätsbeherde, Arzt un Hebamme zur g'fällige Beachtung! — Un ob mer mancht aah heit drucht, d'r Obwald g'heert ausgebußt!

Druck von G. Mohr. — Verlag von G. Weisendörfer.